

2012-imiit 2018-imut ilinniartut

- 2018-imi ukiumut ilinniartut 732-usimapput. 2017-imut sanilliullugu 2 pct.-inik ikinnerupput. 2012-imullu sanilliullugu 217-inik ikinnerullutik.
- Ilinniartut 28 pct.-ii sanaartormik sanaartorfigissaanermillu suliffeqarfinni ilinniartuupput, niuermik suliffeqarfiit aamma pisortat allaffii kiffartuusiviilu amerlasuunik aamma ilinniartuuteqarput.
- Suliffeqarfiit niuermik suliaqartut aamma sanaartormik sanaartorfigissaanermillu suliaqartut sulisui ilinniarsimasut amerlassusaat eqqarsaatigalugit ilinniartoqarnerpaajupput, tassa sulisut ilinniarsimasut 100-iugaangata 22-nik aamma 21-nik ilinniartoqartaramik. Suliaqarfiit tamaasa isigissagaani agguaqatigiissillugu ukiumut 10-inik ilinniartoqartarput.
- Ukiut kingullit tallimat ingerlanerini ilinniartut ukioqqortunerulersimapput. 2012-imi ilinniartut 25-it ataallugit ukiullit 60 pct.-iusimapput. 2018-imi 42 pct.-iinnangorsimallutik.

Nassuiaat


Ilinniartunut inissanut tunngasut kisitsisitigut paasissutissani taamaallaat inuussutissarsiormik ilinniartut pineqarput, ilinniartunut tapisisartut kisimik pineqarlutik. Ilinniagaqarnermusisartut ilanngunneqanngillat. Tassunga tunngasunik paasisaqarnerorusukkuit immikkoortoq periaatsimut tunngasoq atuarsinnaavat.

Saqqummersitami taaguut ” ilinniartut ukiumut” atorneqarpoq. Ilinniartoq ukiumut tassaavoq ilinniartoq qaammatini 12-ini. Ilinniartoq ataaseq qaammatini 12-ini ilinniartuusinnaavoq imaluunniit ilinniartut marluk qaammatini 6-ini.

2017-imit 2018-imut ilinniartut ikiliallapput

2018-imi ukiumut ilinniartut 732-upput. 2017-imut sanilliullugu 2 pct.-inik ikinnerupput. Ilinniartut ukiumut 2012-imit 217-inik ikinnerupput. 2015-ip tungaanut ukiumut ilinniartut ikilinerpaasimapput. 2017-imi ukiup affaani kingullermi ilinniartut amerleriarni 2017-imi ilinniartunut amerlisitsinnikooriarlutik 2018-imi ukioq tamakkerlugu ikiliallapput.

Titartagaq 1. Ilinniartut qaammatikkaarlugit amerlassusaat, 2012-2017



Najoqqutaq: Naatsorsueqqissaartarfik- kisitsisit Kisitsisaataasivimmi takuneqarsinnaapput (<http://bank.stat.gl/UDNLBR>).

Sanaartormik suliaqartut aamma sanaartorfigissaanermik suliaqartut ilinniartoqarnerupput

Sanaartormik suliaqartut aamma sanaartorfigissaanermik suliaqartut 2018-imi ilinniartut 28 pct.-iinik ilinniartuuteqarput, niuernermik suliffeqarfiit aamma pisortat allaffii kiffartuusiviilu tulliullutik. Suliaqarfiit pingasuusut taakku ilinniartut 68 pct.-iinik ukiumut ilinniartoqarput.

Niuernermik suliffeqarfinni ukiumut ilinniartut ikilinerpaasimapput, 2012-imiit 2018-imut 73-inik ikilisimagamik. 2012-imiit 2018-imut suliffeqarfimmi ilinniartui amerlinerpaajusimasut tassaapput aalisarnermik suliaqartut, piniarnermik suliaqartut aamma nunalerinermik suliaqartut, taakkunani ukiumut ilinniartut 19-inik amerlisimapput. Ukiumut ilinniartut ikilisimagaluartut aalisarnermik, piniarnermik aamma nunalerinermik suliffeqarfinni ukiumut ilinniartut amerlatsissimapput.

Tabel 1: Ukiumut ilinniartut suliffeqarfinnut immikkoortillugit, 2012, 2015 aamma 2018

	2012		2015		2018	
	Amerlas- susaat	Pct.-in- ngorlugu	Amerlas- susaat	Pct.-in- ngorlugu	Amerlas- susaat	Pct.-in- ngorlugu
Aalisarnek, piniarnek nunalerinerlu	11	1	20	3	30	4
Aatsitassarsiornek	7	1	4	1	4	1
Suliffissuit	15	2	13	2	9	1
Innaallagiamik imermillu pilersuineq	15	2	16	2	22	3
Sanaartorneq aamma sanaartorfigissaaneq ..	227	24	182	24	205	28
Niuernek	235	25	172	23	162	22
Akunnittarfiit neriniartarfiillu	30	3	27	4	16	2
Angallassineq/assartuineq	144	15	103	14	92	13
Inuussutissarsiortunut kiffartuussineq	53	6	38	5	30	4
Pisortat allaffii aamma kiffartuussinerat	177	19	152	20	135	18
Kiffartuussinerit allat	37	4	29	4	27	4
Katillugit	950		756		732	

Najoqqutaq: Naatsorsueqqissaartarfik – kisitsisit kisitsisaataasivimmi takuneqarsinnaapput (<http://bank.stat.gl/UDNLBR>).

Ilinniartut amerlassusii – nassuiaaneq

Suliffeqarfik ilinniartuuteqassaguni suliamut tunngasunik ilinniarsimasunik ilinniartumut ilinniartiissisinnasunik sulisoqassaaq. Suliffeqarfiit suliaat tunngavigalugit ilinniartunik tiguisartut amerlassusaat iluamik takutinniarlugu sulisut ilinniarsimasut amerlassusaat ilinniartut amerlassusaanut sanilliunneqassapput. Ilinniartut sulisut ilinniarsimasut 100-ugangata amerlassusaat naatsorsuutigineqarpoq. Ilinniartut inuussutissarsiut ilinniagaat apeqqutaatinnagu suliffeqarfiit ilinniartuutillit suliaat suunersut pineqarput. Kisitsisinik nutaanernik sulii piareersimasooqannginnera pissutaalluni suliffeqarneq pillugu paasissutissat 2017-imeersut ilinniartut amerlassusaat naatsorsorneqarput.


Ilinniartut naammassisimasut niuernermik ilinniagaqartut amerlanerit ilinniartuuteqarput

2012-imiit 2017-imi agguaqatigiissillugu ilinniartut amerlassusaat 15-init 10-inut ikilissimapput. Ilinniartunut sanilliullugit suliffeqarfinni sulisut ilinniarsimasut amerlanerulersimapput. Taamaattumik 2012-imut sanilliullugu suliffeqarfinni ukiumut ilinniartut ikilissimaneri sulisut ilinniarsimasut ikilissimaneriniq pissuteqanngilaq.

2017-imi suliffeqarfiit niuernermik suliaqartut aamma suliffeqarfiit sanaartormik suliaqartut amerlanerpaanik ilinniartuuteqarsimapput. Taamanikkut sulisut ilinniarsimasut 100-ugangata ilinniartut 24-usarsimapput aamma 22-usarsimapput.

Suliffeqarfinni, akunnittarfiit aamma neriniartarfiit, suliffissuit aamma inuussutissarsiortunut kiffartuussiviit allat, ukiumut ilinniartut ukiumut ilinniartut akornanni taamaallaat ukiumut 2-4 pct.-iusarsimagaluartut, 2015-imi 11-inik aamma 20-inik ilinniartuuteqarsimapput. Agguaqatigiissillugu sulisut ilinniarsimasut akornanni ilinniartuuteqarnerpaajusimapput.

Titartagaq 2. Suliaqarfiit akornanni ilinniartut amerlassusaat, 2012 aamma 2015



Nassuiaat: Ilinniartut amerlassusaat, sulisut ilinniarsimasut 100-inut ilinniartut amerlassusaat.
 Najoqqutaq: Naatsorsueqqissaartarfik - nammineq naatsorsukkat (<http://bank.stat.gl/UDNLBR> aamma <http://bank.stat.gl/ARNBFB8>).

Ilinniartut ukioqqortusiartorput

2018-imi ilinniartut amerlanersaat tassa 64 pct.-ii 20-niit 29-inut ukioqarput, ikitsuinnaat 20-it ataallugit ukioqartut. 2012-imi ilinniartut ukioqqortusiartorput. 2012-imi ilinniartut 60 pct.-ii 25-it ataallugit ukioqartut 2018-imi ilinniartut 42 pct.-imut apparsimapput. Ilinniartut 25-init 34-inut ukiullit amerlinerusimapput. Tamanna ilutigalugu innuttaasut akornanni inuusuttuaqqat ikilipput, ilinniartulli ikilinerisut ikilitiginngillat.

Tabel 2. Ilinniartut ukiuinut immikkoortillugit, 2012-2018

	2012	2013	2014	2015	2016	2017	2018
	Pct.						
< ukiut 20	14	9	8	7	9	9	9
Ukiut 20-24	46	48	46	40	37	35	33
Ukiut 25-29	24	26	27	30	29	30	31
Ukiut 30-34	9	10	11	13	15	14	13
Ukiut 35-39	3	3	4	5	6	5	6
40->	4	5	5	5	6	6	7

Najoqqutaq: Naatsorsueqqissaartarfik - nammineq naatsorsukkat (<http://bank.stat.gl/UDNLBR> aamma <http://bank.stat.gl/ARNBFB8>).

Periaaseq

Siunertaq

Inuussutissarsiummik ilinniarsiit amerlanersaat aallartiffigineqarsinnaapput taamaallaat ilinniarnermi suliffimmik misiliiffissamik nassaarsimasunit. Taamaattumik inuussutissarsiummik ilinnialersut amerlassusaanut ilinniarluni suliffissat apeqqutaasorujussuupput. Ilinniartunut inissat pillugit kisitsisitigut paasissutissat inuussutissarsiornermik ilinniartunut kisitsisitigut paasissutissat saniatigut paasissutissiineruvoq. Kisitsisitigut paasissutissani suliffeqarsiit suliaqarsiit ilinniartut agguataarsimaneri aamma takuneqarsinnaavoq.

Datat tunngavigineqartut

Ilinniagaqarnersiuteqartitsivimmit ilinniartunut tapit tunngavigalugit kisitsisitigut paasissutissat suliarineqarput. Ilinniartumut ataatsimut qaammammut ataasiarluni suliffeqarsiit tapisarput. Aningaasaqarnermut inatsimmut ilanngunneqartarput ilinniartunut tapisiat qanoq annertugitinissaat (takuuk konto pingaarneq 40.02.06, Ilinniarnermi tapiissutit meeqqanullu tapit) ilinniarsiit suuneri ukiullu ilinniarsiusut apeqqutaallutik tapit assigiinneq ajorput.

Ilinniartut INULI-mi KTI-milu sungiusarlutik suliffissarsinnaanngikkunik ilinniarsiummiutigalutik sungiusarsinnaapput. Ilinniartut ilinniarsiummiutigalutik sungiusartut allaaserisami uani ilaannqillat.

Periaaseq

Ilinniartunut tapisiat tunngavigalugit ilinniartunut inissat qaammatikkaarlutik naatsorsorneqartarput. Ukiup ingerlanerani kukkusumik ilinniartunut tapisit aamma ilinniartunut tapisinngitsoortut ukiup tulliani marsimi iluarsineqartarput.

Kalaallit Nunaanni suliffeqarsiit Det Centrale Virksomhedsregisterimi (CVR) 1. januar 2018-imiit nalunaarsugaapput. Suliffeqarsiit sunik suliaqarneri tassani allaqqapput branchelersueriaaseq nutartigaq DB07 atorlugu. Siornatigut Kalaallit Nunaanni Inuussutissarsiummik Ingerlataqartunik Nalunaarsuiffik (IIN) atorlugu suliffeqarsiit sunik suliaqarnerinut immikkoortiterneqarput, branchelersueriaasitoqqaq GB2000-mik taaneqartartoq atorlugu. Kisitsit kingumut sanilliunneqarsinnaassammata branchelersueriaaseq GB2000 atorneqarpoq.

Ilinniarnermut atatillugu sulineriut atassuserniarlugu ilinniartunut tapisiat pillugit paasissutissat ilinniagaqarnersiuteqartitsivimmit paasissutissanut taputartuullugit suliarineqarput.

Naatsorsuineq

Ilinniartut pillugit naatsorsuutit qaammatikkaarlutik, suliarineqarput suliffeqarsiit suliaqarsiit, ilinniartunut (ISCED fields of education 2013) aamma distriktinut (kommuniusimasunut) immikkoortillugit. Tabelit tamarmik suaassutsinik aamma ukioqqortussutsinik immikkoortitsiviusinnaapput.

Ajoqutit aamma ilanngutinngitsuukkat

Kisitsisitigut paasissutissanut ilinniartut suliffeqarfii ilinniartumut tapisisartut taamaallaat ilanngunneqarput. Inuussutissarsiummik ilinniartut ilinniarnermi suliffigisaat kisimik ilinniartunut tapisisarput. Taamaattoqarnera pissutaalluni ilinniartut uku kisitsisitigut paasissutissanut ilaangillat:

- Ilinniartut inersimasut
- Ilinniartut ilinniagaqarnermusisartut, ass. inulerinermik suliaqartut, ulluunerani neqeroorutini ikiortit aamma peqqissaannermik ikiortit
- Ilinniartut ilinniarfimmi suliffimmik misiliisut
- Ilinniaqqittut suliffimmik misiliisut, ass. akademimik ilinniagallit

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq
Emil Malta
E-mail: emim@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

